

Aleksandra Pandurević

Inicijativa upućena Kolegiju Predstavničkog doma – “U skladu s članom 8. Poslovnika Predstavničkog doma Parlamentarne skupštine BiH, pokrećem Inicijativu za uvrštavanje u dnevni red tačke: “Analiza provođenja Državne strategije za rad na predmetima ratnih zločina”.

Pitanje postavljeno Visokom sudskom i tužilačkom vijeću BiH – “Pored svih mogućih namjernih ili nenamjernih kadrovskih promašaja prilikom imenovanja nosilaca pravosudnih funkcija, zataškavanja od Visokog sudskog i tužilačkog vijeća njihovog nesavjesnog rada, postoje indicije da se na najvišim pravosudnim funkcijama nalaze osobe za koje postoje sumnje da se bave ili su se bavile falsificiranjem dokumenata, imovinskim prevarama, te da zloupotrebljavaju svoj položaj u pravosuđu za nezakonit uticaj na određene sudske odluke. O ovome je Visoko sudsko i tužilačko vijeće obaviješteno, između ostalog, i pritužbom protiv tužioca Kantonalnog tužilaštva Zeničko-dobojskog kantona Dinke Lukes i njenog muža Tihomira Lukesa, sudije Suda BiH. Iako je pritužba disciplinskom tužiocu protiv ovog bračnog para podnijeta još 11. septembra 2010. godine, njen podnosilac još nije obaviješten da je preduzeta bilo kakva radnja po njoj, pa evo prilike Visokom sudskom i tužilačkom vijeću da to učini i odgovori šta se desilo s ovom prijavom disciplinskom tužiocu.”

Pitanje postavljeno Ministarstvu pravde BiH, ministru Bariši Čolaku – “Molim da mi se pojasni situacija oko izvršenih internih premještaja u Ministarstvu pravde BiH, jer je očigledno da su interni premještaji vršeni selektivno i da su njima oštećeni samo pripadnici jednog naroda. Zanima me zašto su vršeni interni premještaji i po čijim naredbama a svi znamo da u Ministarstvu pravde BiH u proteklom mandatu, koji i dalje traje, nema srpskog kabineta koji bi mogao da zaštiti interese državnih službenika i zaposlenika srpske nacionalnosti?”